



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-459-8/22**
Datum: **19.12.2022. godine**

«Agencija za vodno područje rijeke Save» Sarajevo rješavajući po zahtjevu korisnika – Preduzeća za komunalne i uslužne djelatnosti "KOMUNALNO" d.o.o. Bosanski Petrovac, za izdavanje vodne dozvole za zahvatanje vode na izvoru "Smoljana" za potrebe snabdijevanja vodom potrošača na području općine Bosanski Petrovac, na osnovu člana 139. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Preduzeću za komunalne i uslužne djelatnosti „KOMUNALNO“ d.o.o. Bosanski Petrovac, za zahvatanje vode za potrebe snabdijevanja vodom potrošača na području općine Bosanski Petrovac sa izvorišta Smoljana, kapaciteta 50 l/s.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da korisnik predmetnih vodozahvatnih objekata podnese zahtjev prema organu uprave Općine Bosanski Petrovac za pribavljanje akata o građenju predmetnih vodozahvatnih objekata, odnosno da se sukladno važećoj zakonskoj regulativi pribavi nedostajuća projektna dokumentacija – urade projekti izvedenog stanja vodozahvata te na osnovu istih pribave odobrenja za građenje, odnosno upotrebu vodozahvatnih objekata na predmetnom izvoru.
 - 2.2. Da se sprovedu zaštitne mjere za izvorišta po Odluci o zonama sanitarne zaštite i zaštitnim mjerama za izvorište "Smoljana" za snabdijevanje vodom za piće općine Bosanski Petrovac, donesenoj od strane Općinskog vijeća Općine Bosanski Petrovac na XLI redovnoj sjednici, održanoj dana 28.05.2008. godine. Obzirom da je ova Odluka bazirana na tada važećem Pravilniku o uslovima za određivanje zona sanitarne zaštite i zaštitnih mjera za izvorišta voda koje se koriste ili se planiraju koristiti za piće («Službene novine Federacije BiH» broj 51/02 i 56/04), neophodno je, u skladu sa Prijelaznim i završnim odredbama, tj. članom 15. stav 1. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12) da se izvrši usklađivanje postojeće Odluke o zaštiti izvorišta sa odredbama ovog pravilnika.
 - 2.3. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, u skladu sa uslovima iz ove vodne dozvole, Općim aktom o održavanju, korištenju i osmatranju vodnog objekta i postupanju u slučaju kvara ili havarije te uvjetima propisanim drugim aktima, saglasnostima, odobrenjima, zakonskim i podzakonskim aktima, normativima i slično.
 - 2.4. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenja ili uništenja te izvrši popravak oštećenih ograda I zone zaštite.
 - 2.5. Da korisnik predmetnih vodozahvatnih objekata ugrađene mjerne uređaje za evidentiranje zahvaćenih količina vode održava u ispravnom stanju, odnosno redovno vrši baždarenja mjerača protoka u skladu sa propisima o mjernim uređajima.
 - 2.6. Da korisnik predmetnih vodozahvatnih objekata vrši mjerenje količina zahvaćenih voda i o tome vodi evidenciju na propisanim obrascima, da podatke o tim mjerenjima unosi u propisane mjesečne izvještaje i iste redovno dostavlja ovoj Agenciji, a sve u skladu sa Pravilnikom o sadržaju i načinu vođenja evidencije i dostavljanja podataka o količinama zahvaćene vode («Službene novine Federacije BiH», broj 83/08).
 - 2.7. Operator je dužan vršiti stalnu kontrolu kvaliteta zahvaćene vode i obezbijediti zdravstveno ispravnu vodu za piće, a u skladu sa zahtjevima Pravilnikom o higijenskoj ispravnosti vode za

- piće („Službeni glasnik BiH“, br. 40/10, 43/10, 30/12 i 62/17). Kontrolu, odnosno ispitivanje kvaliteta vode za snabdijevanje stanovništva vodom za piće treba vršiti shodno Pravilniku o uslovima koje moraju ispunjavati referentne, odnosno ovlaštene laboratorije za ispitivanje voda, sadržaj i način davanja ovlasti („službene novine Federacije BiH“, broj: 14/10, 14/13 i 26/14).
- 2.8. Da se, ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane Pravilnikom o higijenskoj ispravnosti vode za piće vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
- 2.9. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o zdravstvenoj ispravnosti vode za piće.
- 2.10. Da se uredno vodi dnevnik rada u koji će se unositi podaci o postupku hlorinacije i potrošnje svih hemikalija, da se isti skladišti samo u prostoriji hlorne stanice te da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
- 2.11. Da se u skladištu hemikalija, dozir stanici i/ili na mjestima pretakanja hemikalija obezbijedi adekvatan apsorber za prikupljanje hemikalija u slučaju incidentnog izlivanja. U skladišnom prostoru i na mjestima pretakanja nije dozvoljeno postojanje podnih slivnika.
3. Da korisnik predmetnih objekata vrši mjerenje količina zahvaćenih voda i o tome vodi evidenciju na propisanim obrascima, da podatke o tim mjeranjima unosi u propisane mjesečne izvještaje i iste redovno dostavlja ovoj Agenciji na način, po postupku i u rokovima određenim Pravilnikom o načinu obračunavanja, postupku i rokovima za obračunavanje i plaćanje i kontrolu izmirenja obaveza po osnovu opće vodne naknade i posebnih vodnih naknada („Službene novine Federacije BiH“, broj: 46/07, 92/07, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Investitor, odnosno korisnik vodozahvatnog objekta obavezan je redovito plaćati posebne vodne naknade u skladu sa propisanom zakonskom i podzakonskom regulativom.
5. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
6. Ukoliko prilikom upotrebe vodozahvatnog objekta za koje se izdaje ova vodna dozvola dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Ova vodna dozvola, shodno članu 117. stav 1. Zakona o vodama (Službene novine Federacije BiH», broj 70/06) se daje sa rokom važenja od pet (5) godina, od dana pravosnažnosti ovog rješenja.
8. Operator vodovodnog sistema dužan je da izdaje odobrenja za priključenje na sistem javnog vodosnabdijevanja na način kako je to definirano članom 28. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine Federacije BiH“, broj: 31/15, 55/19, 41/20 i 63/22).
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole. Uslov za izdavanje nove vodne dozvole je ispunjenje uslova pod tačkom 2. ovog rješenja.
10. Ovo rješenje se može izmjeniti ukoliko za to nastupe razlozi utvrđeni u članu 130. stav (1) tačka 1. 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Preduzeće za komunalne i uslužne djelatnosti "Komunalno" d.o.o. Bosanski Petrovac, obratilo se ovoj Agenciji dana 05.09.2022. godine (zaprimljen dana 12.09.2022. godine) zahtjevom broj: 406/2022, za izdavanje vodne dozvole za zahvatanje vode na izvoru "Smoljana", za potrebe snabdijevanja vodom potrošača na području općine Bosanski Petrovac.

U provedenom postupku dostavljena je i pregledana sljedeća dokumentacija:

- Federalna administrativna taksa u iznosu od 10,00 KM,
- Aktuelni izvod iz sudskog registra, Matični broj subjekta upisa: 1-1387-00; izdan od strane Općinskog suda u Bihaću dana 14.06.2022. godine (ovjeena kopija);

- Uvjerenje o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine, pod brojem 04/1-17-1-UPJR/1-7519/12, dana 08.04.2013. godine (ovjerena kopija),
 - Uvjerenje o poreznoj registraciji; izdano od strane Federalnog ministarstva finansija – financija, Porezne uprave Federacije BiH, Kantonalnog poreznog ureda BIHAĆ, dana 05.12.2012. godine (ovjerena kopija);
 - Kopija naloga za plaćanje upravne pristojbe,
 - Obavijest, o zaprimljenom zahtjevu za izdavanje rješenja o ispunjavanju minimalne stručne i tehničke osposobljenosti za obavljanje djelatnosti individualne i zajedničke komunalne potrošnje: a) snabdijevanje pitkom vodom, b) odvodnja i prečišćavanje otpadnih voda, c) sakupljanje, tretiranje i odlaganje komunalnog otpada, d) održavanje čistoće na javnim površinama, e) odvođenje atmosferskih i drugih voda sa javnih površina, f) održavanje javnih površina, g) obavljanje higijeničarske službe, h) održavanje objekata i uređaja javne urbane opreme i održavanje spomen obilježja, stratišta, mezaristana i grobalja – mezara kulturno-historijskog zanačaja; data od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-19-722-UP-1/22, dana 29.02.2022. godine, u Bihaću (kopija),
 - Podnesak zahtjeva za izdavanje rješenja o odobrenju za građenje, podnesen prema Službi za stambeno komunalnu djelatnost, vodoprivredu i zaštitu okoliša Općine Bosanski Petrovac, pod brojem 397/2022, dana 01.09.2022. godine,
 - E-mail prema Službi za prikupljanje prihoda od vodnih naknada, kojim se traži očitovanje o plaćanju istih od strane podnosioca zahtjeva, od 12.10.2022. godine (kopija),
 - E-mail, kojim se Služba za prikupljanje prihoda od vodnih naknada očituje da podnosilac zahtjeva redovno dostavlja obrasce PVN-a te vrši plaćanja, od 12.10.2022. godine (kopija),
 - Rješenje o vodnoj dozvoli, kojim se daje vodna dozvola korisniku „KOMUNALNO“ d.o.o. Bosanski Petrovac za zahvatanje vode na izvoru Smoljana u svrhu osiguranja potrebnih količina vode za piće stanovništva i privrede općine Bosanski Petrovac; izdano od strane Agencije za vodno područje rijeke Save pod brojem UP-I/25-3-40-584-5/17, dana 22.09.2017. godine (kopija).
 - Popratni akt o dopuni podneska zahtjeva broj 504/2022 od 06.10.2022. godine,
 - Odluka o zonama sanitarne zaštite i zaštiti izvorišta vode za piće Smoljana Općina/Opština Bosanski Petrovac; uvojena na XLI sjednici Općinskog/Opštinskog vijeća Bosanski Petrovac, dana 30.06.2008. godine, pod brojem 02/1-25-1426-7/08 („Službeni glasnik Općine/Opštine Bosanski Petrovac“, broj: 5/08), (kopija),
 - Privremena odluka o zonama sanitarne zaštite i zaštiti svih izvorišta vode za piće na teritoriji Općine Bosanski Petrovac; usvojena od strane Općinskog vijeća Općine Bosanski Petrovac na XXI redovnoj sjednici održanoj 16.10.2014. godine pod brojem 02/1-37-2878-2/14 („Službeni glasnik Opštine Bosanski Petrovac“, broj: 13/14), (kopija),
 - Situacioni prikaz zahvatanja grupacije izvorišta Smoljana (kopija),
 - Izvještaj o ispitivanju vode – rezultati mikrobioloških i fizičko-hemijskih ispitivanja vode br: 9621/2022 (uzorak uzet na izvoru Smoljana), urađen od strane Laboratorija za sanitarnu mikrobiologiju i Laboratorija za sanitarnu hemiju Zavoda za javno zdravstvo USK, dana 16.09.2022. godine (kopija).
 - Izvještaj o ispitivanju vode – rezultati mikrobioloških i fizičko-hemijskih ispitivanja vode br: 6238/2022 (uzorak uzet na izvoru Smoljana), urađen od strane Laboratorija za sanitarnu mikrobiologiju i Laboratorija za sanitarnu hemiju Zavoda za javno zdravstvo USK, dana 15.06.2022. godine (kopija).
 - Izvještaj o ispitivanju vode – rezultati mikrobioloških i fizičko-hemijskih ispitivanja vode br: 4725/2022 (uzorak uzet na izvoru Smoljana), urađen od strane Laboratorija za sanitarnu mikrobiologiju i Laboratorija za sanitarnu hemiju Zavoda za javno zdravstvo USK, dana 07.04.2022. godine (kopija).
 - Odgovor na upit po pitanju građevinske dozvole; dat od strane Općinskog načelnika Općine Bosanski Petrovac pod brojem 04-19-5145-UP-1/22, dana 07.09.2022. godine (kopija),
 - Popratni akt o dopuni podneska zahtjeva, broj: 539/2022 od 21.10.2022. godine,
 - Zaključak o posebnim troškovima, izdan od strane ove Agencije pod brojem UP-1/21-3-40-459-5/22, dana 17.10.2022. godine, te kopija naloga za plaćanje istih.
- Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata, izvršen je obilazak izvorišta „Smoljana“ i tom prilikom je sačinjen zapisnik o uviđaju broj: UP-1/21-3-40-459-7/22 od 17.11.2022. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

- Izvorište Smoljana se nalazi 12 km sjeverno od Bosanskog Petrovca, u naselju Smoljana, općina Bosanski Petrovac, na 930 m n.m ispod Mlinarske grede. Čine ga bunari Smoljana 1, Smoljana 2, Pećina 1, Pećina 2 i Crno vrelo. Glavno izvorište Smoljana 1 kaptirano je 1904. godine.
- Godine 1974. je izvršena rekonstrukcija samog vodozahvatnog objekta i kompletnog transportnog cjevovoda do rezervoara u Bosanskom Petrovcu.
- Projektirani kapacite svih izvorišta iznosi 50 l/s, u idealnim uvjetima se zahvata 45 l/s, a koristi se do 20 l/s.
- Sa izvorišta se voda puni u sabirnu komoru kapaciteta 40 m³, odakle se gravitacionim putem odvodi do rezervoara Novakovići, kapaciteta 2x100 m³, gdje su ugrađeni mjeraci protoka.
- Dezinfekcija i hlorisanje se vrši u rezervoaru Novakovići, koji je bypass sistemom spojen sa rezervoarom Bursaći, kapaciteta 2000 m³.
- Sa ovog izvorišta se vodom snabdijevaju naselja Grad I i Grad II, Rašinovac, dio Suvaje, Medeno polje, Bjelajski Vaganac, Kolunić i Bara. Snabdijevanje vodom naselja Kolunić na visini iznad 680 m n.m. se vrši buster pumpama.
- Za navedeno izvorište ne postoji projektna dokumentacija niti odobrenje za građenje.
- Za predmetno izvorište je urađen Projekt zaštite izvorišta vode za piće Smoljana, Općina Bosanski Petrovac; urađen od strane Instituta za hidrotehniku Građevinskog fakulteta u Sarajevu maja 2004. godine. Na osnovu ovog projekta je Općinsko vijeće Bosanski Petrovac usvojilo odluku o zaštiti izvorišta Smoljana.
- I zona zaštite je ograđena bodljikavom žicom u visini cca 2 metra te je urađena odvodnja otpadnih voda okolnih stambenih objekata.
- Nije obezbjeđen videonadzor zbog nedostatka električne energije i telekomunikacijskog signala.
- Prema članu 10. Odluke, izvorištem upravlja preduzeće „KOMUNALNO“ d.o.o. Bosanski Petrovac.
- I zaštitna zona je ograđena žičanim pletivom u visini cca 2,0 metra bez videonadzora.
- Redovno se radi mikrobiološka i fizičko-hemijska analiza vode od strane Laboratorije za sanitarnu mikrobiologiju i Laboratorije za sanitarnu hemiju - Zavod za javno zdravstvo Unsko-sanskog kantona te uglavnom nisu zadovoljavajući rezultati mikrobioloških ispitivanja.
- Korisnik vodozahvatnih objekata, „KOMUNALNO“ d.o.o. Bosanski Petrovac, iste održava u funkcionalnom stanju. I zaštitna zona u kojoj se nalaze vodozahvatni objekti propisno je ograđena i označena. Povremeno se kontrolišu ostale zone zaštite izvorišta u skladu sa odredbama Odluke o zonama sanitarne zaštite i zaštitnim mjerama za izvorište Smoljana.

U cilju utvrđivanja činjenica vezanih za ispunjenje uslova u smislu izvršavanja obaveza propisanih Rješenjem o vodnoj dozvoli (broj: UP-I/25-3-40-584-5/17, dana 22.09.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 12.10.2022. godine godine konstatovano je da podnosilac zahtjeva redovno izmiruje svoje obaveze uplate posebnih vodnih naknada.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata „KOMUNALNO“ d.o.o. Bosanski Petrovac, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnih objekata i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu naprijed navedenog, a uzimajući u obzir i činjenicu da se radi o postojećem objektu koji je u funkciji vodosnabdijevanja pitkom vodom stanovništva i privrede Općine Bosanski Petrovac, rješeno je kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15.0 KM administrativne takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „KOMUNALNO“ d.o.o. Bosanski Petrovac, Titova bb, 77 250 Bosanski Petrovac,
- AVP, ISV –Vodna knjiga
- Sektor 50
- ⊖ Sektor 40, arhiva
- oglasna ploča AVP Sava